

**VENDIM**  
**Nr. 60, datë 26.1.2022**

**PËR SHPALLJEN E EKOSISTEMEVE NATYRORE REZERVAT NATYROR I  
MENAXHUAR/PARK NATYROR (KATEGORIA IV), SI DHE MIRATIMIN E  
NDRYSHIMIT TË STATUSIT E TË SIPËRFAQEVE EKZISTUESE TË ZONAVE  
TË MBROJTURA MJEDISORE, QË I PËRKASIN KËSAJ KATEGORIE**  
*(ndryshuar me VKM-në nr. 155, datë 13.3.2023)*

*(i përditësuar)*

Në mbështetje të nenit 100 të Kushtetutës dhe të neneve 10, 35 e 36, të ligjit nr. 81/2017, “Për zonat e mbrojtura”, me propozimin e ministrit të Turizmit dhe Mjedisit, Këshilli i Ministrave

**VENDOSI:**

1. Miratimin e ndryshimit të statusit dhe të sipërfaqes së ekosistemit natyror “Bredhi i Sotirës”, nga “monument natyror” (kategoria III e zonave të mbrojtura) në “park natyror” (kategoria IV e zonave të mbrojtura), me sipërfaqe nga 1 740 (një mijë e shtatëqind e dyzet) ha në 4 927.67 (katër mijë e nëntëqind e njëzet e shtatë pikë gjashtëdhjetë e shtatë) ha, sipas aneksit nr. 1, i cili përmban hartën në shtojcën 1 dhe tabelën e koordinatave në shtojcën 2, që i bashkëlidhet këtij vendimi dhe është pjesë përbërëse e tij.

2. Miratimin e ndryshimit në sipërfaqe të ekosistemit natyror “Korab–Koritnik”, shpallur me status “park natyror” (kategoria IV e zonave të mbrojtura), nga 55 550.2 (pesëdhjetë e pesë mijë e pesëqind e pesëdhjetë pikë dy) ha në 53 850.00 (pesëdhjetë e tre mijë e tetëqind e pesëdhjetë) ha, sipas aneksit nr. 2, i cili përmban hartën në shtojcën 1 dhe tabelën e koordinatave në shtojcën 2, që i bashkëlidhet këtij vendimi dhe është pjesë përbërëse e tij.

3. Miratimin e ndryshimit të statusit dhe të sipërfaqes së ekosistemit natyror “Liqeni i Ulzës”, nga “park natyror bashkiak” (kategoria IV/1) në “park natyror” (kategoria IV e zonave të mbrojtura), me sipërfaqe nga 4 206 (katër mijë e dyqind e gjashtë) ha në 4 205.15 (katër mijë e dyqind e pesë pikë pesëmbëdhjetë) ha, sipas aneksit nr. 3, i cili përmban hartën në shtojcën 1 dhe tabelën e koordinatave në shtojcën 2, që i bashkëlidhet këtij vendimi dhe është pjesë përbërëse e tij.

4. Miratimin e ndryshimit të statusit dhe të sipërfaqes së ekosistemit natyror “Mali me Gropa–Bizë–Martanesh” nga “peizazh i mbrojtur” (kategoria V e zonave të mbrojtura) në “park natyror” (kategoria IV e zonave të mbrojtura), me sipërfaqe nga 25 266.4 (njëzet e pesë mijë e dyqind e gjashtëdhjetë e gjashtë pikë katër) ha në 26 043.34 (njëzet e gjashtë mijë e dyzet e tre pikë tridhjetë e katër) ha, sipas aneksit nr. 4, i cili përmban hartën në shtojcën 1 dhe tabelën e koordinatave në shtojcën 2, që i bashkëlidhet këtij vendimi dhe është pjesë përbërëse e tij.

5. Miratimin e ndryshimit të statusit dhe të sipërfaqes së ekosistemit natyror “Qafështamë” nga “park kombëtar” (kategoria II e zonave të mbrojtura) në “park natyror” (kategoria IV e zonave të mbrojtura), me sipërfaqe nga 2 000 (dy mijë) ha në 6 864.36 (gjashtë mijë e tetëqind e gjashtëdhjetë e katër pikë tridhjetë e gjashtë) ha, sipas aneksit nr. 5, i cili përmban hartën në shtojcën 1 dhe tabelën e koordinatave në shtojcën 2, që i bashkëlidhet këtij vendimi dhe është pjesë përbërëse e tij.

6. Miratimin e ndryshimit të statusit dhe të sipërfaqes së ekosistemit natyror “Syri i Kaltër” nga “monument natyror” (kategoria III e zonave të mbrojtura) në “park natyror” (kategoria IV e zonave të mbrojtura), me sipërfaqe nga 180 (njëqind e tetëdhjetë) ha në 293.30 (dyqind e nëntëdhjetë e tre pikë tridhjetë) ha, sipas aneksit nr. 6, i cili përmban hartën në shtojcën 1 dhe tabelën e koordinatave në shtojcën 2, që i bashkëlidhet këtij vendimi dhe është pjesë përbërëse e tij.

7. Miratimin e ndryshimit të sipërfaqes së ekosistemit natyror “Zagori”, shpallur “park natyror” (kategoria IV e zonave të mbrojtura), nga 24 590 (njëzet e katër mijë e pesëqind e nëntëdhjetë) ha në 24 607.63 (njëzet e katër mijë e gjashtëqind e shtatë pikë gjashtëdhjetë e tre) ha, sipas aneksit nr. 7, i cili përmban hartën në shtojcën 1 dhe tabelën e koordinatave në shtojcën 2, që i bashkëlidhet këtij vendimi dhe është pjesë përbërëse e tij.

8. Miratimin e ndryshimit të sipërfaqes së ekosistemit natyror “Balloll”, shpallur “rezervat natyror i menaxhuar” (kategoria IV e zonave të mbrojtura), nga 330 (treqind e tridhjetë) ha në 323.3 (treqind e njëzet e tre pikë tre) ha, sipas aneksit nr. 8, i cili përmban hartën në shtojcën 1 dhe tabelën e koordinatave në shtojcën 2, që i bashkëlidhet këtij vendimi dhe është pjesë përbërëse e tij.

9. Miratimin e ndryshimit të sipërfaqes së ekosistemit natyror “Bogovë”, shpallur “rezervat natyror i menaxhuar” (kategoria IV e zonave të mbrojtura), nga 330 (treqind e tridhjetë) ha në 342.1 (treqind e dyzet e dy pikë një) ha, sipas aneksit nr. 9, i cili përmban hartën në shtojcën 1 dhe tabelën e koordinatave në shtojcën 2, që i bashkëlidhet këtij vendimi dhe është pjesë përbërëse e tij.

10. Miratimin e ndryshimit të statusit dhe të sipërfaqes së ekosistemit natyror “Bredhi i Kardhiqit” nga “rezervë strikte natyrore” (kategoria I e zonave të mbrojtura) në “rezervat natyror i menaxhuar” (kategoria IV e zonave të mbrojtura), me sipërfaqe 1 800 (një mijë e tetëqind) ha në 4 303.6 (katër mijë e treqind e tre pikë gjashtë) ha, sipas aneksit nr. 10, i cili përmban hartën në shtojcën 1 dhe tabelën e koordinatave në shtojcën 2, që i bashkëlidhet këtij vendimi dhe është pjesë përbërëse e tij.

11. Miratimin e ndryshimit të statusit të ekosistemit natyror “Bredhi i Zhulatis” nga “monument natyre” (kategoria III e zonave të mbrojtura) në “rezervat natyror i menaxhuar” (kategoria IV e zonave të mbrojtura), me sipërfaqe 936.2 (nëntëqind e tridhjetë e gjashtë pikë dy) ha, sipas aneksit nr. 11, i cili përmban hartën në shtojcën 1 dhe tabelën e koordinatave në shtojcën 2, që i bashkëlidhet këtij vendimi dhe është pjesë përbërëse e tij.

12. Miratimin e ndryshimit të sipërfaqes së ekosistemit natyror “Cangonj”, shpallur “rezervat natyror i menaxhuar” (kategoria IV e zonave të mbrojtura), nga 250 (dyqind e pesëdhjetë) ha në 250.3 (dyqind e pesëdhjetë pikë tre) ha, sipas aneksit nr. 12, i cili përmban hartën në shtojcën 1 dhe tabelën e koordinatave në shtojcën 2, që i bashkëlidhet këtij vendimi dhe është pjesë përbërëse e tij.

13. Miratimin e ndryshimit të sipërfaqes së ekosistemit natyror “Dardhë–Xhyrë”, shpallur “rezervat natyror i menaxhuar” (kategoria IV e zonave të mbrojtura), nga 400 (katërqind) ha në 400.3 (katërqind pikë tre) ha, sipas aneksit nr. 13, i cili përmban hartën në shtojcën 1 dhe tabelën e koordinatave në shtojcën 2, që i bashkëlidhet këtij vendimi dhe është pjesë përbërëse e tij.

14. Miratimin e ndryshimit të sipërfaqes së ekosistemit natyror “Gërmenj”, shpallur “rezervat natyror i menaxhuar” (kategoria IV e zonave të mbrojtura), nga 430 (katërqind e tridhjetë) ha në 1 410 (një mijë e katërqind e dhjetë) ha, sipas aneksit nr. 14, i cili përmban hartën në shtojcën 1 dhe tabelën e koordinatave në shtojcën 2, që i bashkëlidhet këtij vendimi dhe është pjesë përbërëse e tij.

15. Miratimin e ndryshimit të sipërfaqes së ekosistemit natyror “Karaburun”, shpallur “rezervat natyror i menaxhuar” (kategoria IV e zonave të mbrojtura), nga 2 000 (dy mijë) ha në 17 490.7 (shtatëmbëdhjetë mijë e katërqind e nëntëdhjetë pikë shtatë) ha, sipas aneksit nr. 15, i cili përmban hartën në shtojcën 1 dhe tabelën e koordinatave në shtojcën 2, që i bashkëlidhet këtij vendimi dhe është pjesë përbërëse e tij.

16. Miratimin e ndryshimit të sipërfaqes së ekosistemeve natyrore “Kune–Vain–Tale dhe Patok – Fushëkuqe – Ishëm”, shpallur “rezervat natyror të menaxhuar” (kategoria IV e zonave të mbrojtura), nga 93 93.91 (nëntë mijë e treqind e nëntëdhjetë e tre pikë nëntëdhjetë e një) ha në 8 092.3 (tetë mijë e nëntëdhjetë e dy pikë tre) ha, sipas aneksit nr. 16, i cili përmban hartën në shtojcën 1 dhe tabelën e koordinatave në shtojcën 2, që i bashkëlidhet këtij vendimi dhe është pjesë përbërëse e tij.

17. Miratimin e ndryshimit të sipërfaqes së ekosistemit natyror/ligatinor “Liqeni i Shkodrës”, shpallur “rezervat natyror i menaxhuar” (kategoria IV e zonave të mbrojtura), nga 26 535 (njëzet

e gjashtë mijë e pesëqind e tridhjetë e pesë) ha në 24 049.75 (njëzet e katër mijë e dyzet e nëntë pikë shtatëdhjetë e pesë) ha, sipas aneksit nr. 17, i cili përmban hartën në shtojcën 1 dhe tabelën e koordinatave në shtojcën 2, që i bashkëlidhet këtij vendimi dhe është pjesë përbërëse e tij.

18. Miratimin e ndryshimit të sipërfaqes së ekosistemit natyror “Polis”, shpallur “rezervat natyror i menaxhuar” (kategoria IV e zonave të mbrojtura), nga 45 (dyzet e pesë) ha në 45.1 (dyzet e pesë pikë një) ha, sipas aneksit nr. 18, i cili përmban hartën në shtojcën 1 dhe tabelën e koordinatave në shtojcën 2, që i bashkëlidhet këtij vendimi dhe është pjesë përbërëse e tij.

19. Miratimin e ndryshimit të sipërfaqes së ekosistemeve natyrore “Stravaj dhe Sopot”, shpallur “rezervat natyror i menaxhuar” (kategoria IV e zonave të mbrojtura), nga 700 (shtatëqind) ha në 1 548.9 (një mijë e pesëqind e dyzet e tetë pikë nëntë) ha, sipas aneksit nr. 19, i cili përmban hartën në shtojcën 1 dhe tabelën e koordinatave në shtojcën 2, që i bashkëlidhet këtij vendimi dhe është pjesë përbërëse e tij.

20. Shpalljen “park natyror” (kategoria IV e zonave të mbrojtura) të ekosistemit natyror “Lugina e Shalës”, me sipërfaqe 10 619.35 (dhjetë mijë e gjashtëqind e nëntëmbëdhjetë pikë tridhjetë e pesë) ha, sipas aneksit nr. 20, i cili përmban hartën në shtojcën 1 dhe tabelën e koordinatave në shtojcën 2, që i bashkëlidhet këtij vendimi dhe është pjesë përbërëse e tij.

*21. Shfuqizuar.*

22. Shpalljen “park natyror” (kategoria IV e zonave të mbrojtura) të ekosistemit natyror “Munellë”, me sipërfaqe 20 760.05 (njëzet mijë e shtatëqind e gjashtëdhjetë pikë zero pesë) ha, sipas aneksit nr. 22, i cili përmban hartën në shtojcën 1 dhe tabelën e koordinatave në shtojcën 2, që i bashkëlidhet këtij vendimi dhe është pjesë përbërëse e tij.

23. Shpalljen “rezervat natyror i menaxhuar” (kategoria IV e zonave të mbrojtura) të ekosistemit natyror “Lugina e Gjergjovicës”, me sipërfaqe 2 966.3 (dy mijë e nëntëqind e gjashtëdhjetë e gjashtë pikë tre) ha, sipas aneksit nr. 23, i cili përmban hartën në shtojcën 1 dhe tabelën e koordinatave në shtojcën 2, që i bashkëlidhet këtij vendimi dhe është pjesë përbërëse e tij.

24. Pasuritë kulturore, qendra historike, ansamble historike, zona dhe parqe arkeologjike, monumente të kulturës dhe zonat e mbrojtura të tyre (që nuk janë pjesë e listës së miratuar të monumenteve të natyrës), të deklaruara si të tilla, që ndodhen brenda zonave të mbrojtura mjedisore, janë objekt i legjislacionit në fuqi për trashëgiminë kulturore dhe administrimi i tyre bëhet nga institucionet përgjegjëse për trashëgiminë kulturore.

25. Parashikimet e akteve nënligjore të mëparshme, me të cilat janë shpallur zonat e mbrojtura të përcaktuara në dispozitat e këtij vendimi, zbatohen për aq sa nuk bien ndesh me këtë vendim.

26. Ngarkohen Ministria e Turizmit dhe Mjedisit, Agjencia Kombëtare e Zonave të Mbrojtura dhe organet përkatëse të qeverisjes vendore për zbatimin e këtij vendimi.

Ky vendim hyn në fuqi menjëherë dhe botohet në Fletoren zyrtare.

**KRYEMINISTËR**  
**Edi Rama**